




Projet promovût di 'La Vôs dai Furlans' e 'ARLeF'

Lu saveviso che...?

Il cai, cu lis sôs antenutis e la sô cjasute carateristiche a forme di spirâl, al è un piçul molusc plen di sorpresis. Lu saveviso che nol à un, ma adiriture cuatri nâs? Doi ju dopre par respirâ e chei altris, invezit, i coventin par sintî i odôrs dal ambient dulintor. Cun di plui, la sô bave e je come une super cole che e rive a comedâ il scus che al à su pe schene se al ves di rompisi.



La cjançon de setemane




"Cai, cai, fâs i cuars, doi a mi, doi a ti, ce che al reste lasse li...!"

Cjantîn insieme "Il Cai" su **ARLeF**


cumò fâs tu!

Tropis sono? Cjale ben il dissen e scrîf il numar di ogni besteute?



<input type="checkbox"/>		<input type="checkbox"/>		<input type="checkbox"/>	
<input type="checkbox"/>		<input type="checkbox"/>			

Piture il dissen



Ridi a plene panze!

Cuâl isal il colm par un cai? Invidâ int a cjase!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU **telefriuli**

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Se tu rivis a puartâ a cjase un biel risultât, tu viodarâs che ancje chei altris a rivaran di rive jù.



Gjambar. Ti è vignude tal cjâf une persone che no tu viodis di un pieç, tu fasis ben a clamâle.



Balance. Meti in bande la braûre nol è sempliç par nissun, soreddut par te.



Bec di mont. Par fâ lis robis fasiti judâ dai amis, ma prime di dâ ordins cîr di scoltâ di lôr cualchi consei.



Taur. No tu âs avonde energjie par dutis lis robis che tu âs di frontâ, dopre ben lis tôs fuarcis.



Leon. Inte agjende dal cûr tu âs za cetantis cuistions viertis, no covente zontâ une di plui.



Sgarpion. Tu âs di cjapâ une decision impuartante, dopre dut il timp che tu âs a disposizion.



Agarûl. Fasint une robe che ti plâs une vore, tu viodarâs che il timp al passe intun colp.



Zimui. Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



Vergjine. Une cuistion ti somee une vore imberdeade e tal ultin al sarâ un parint a disberdeâle.



Sagjitari. In amôr alc si sta movint, ancje se no tu sâs di precîs ce: lasse che il timp al lavori.



Pes. Tu crodis simpri di rivâ a convinci chei altris, ma dispès ti disin di si dome par fâti un plasê.